

Icipingo icabana  
Camiletela

Paska  
yakutendeka



Calilembwa na: Edward Hughes

Uwalangilishe: Janie Forest  
Alastair Paterson

Yasendwa na: Lyn Doerksen

Abapilibwile: Phiri Williams

Icapangwa na: Bible for Children  
[www.M1914.org](http://www.M1914.org)


©2020 Bible for Children, Inc.

Kupoke nsambu: Mwalikwata nsambu uku senda no ku printa ilyashi ili,  
cikulu mwikashitisha.



Namayo aliminine  
pambali ya lupili,  
amenso yakwe  
mubulanda yalelolesha  
ku calecitika icibi.  
Umwana wakwe ali  
mukufwa. Uyu  
mayo ali ni Maliya,  
aiminine mupepi  
ne ncende  
uko Yesu ba  
mupopele  
pa musalaba.





Nga fyacitike shani  
fyonse ifi? Nga Yesu  
kuti apwisha shani umweo  
aikelle munshila iyabipa  
ifi? Nga Lesa  
kuti aleka  
shani  
umwana  
wakwe  
apopwe pa  
musalaba no  
kufwila apopene?  
Bushe Yesu alilufyanya  
pafyo ali? Bushe  
Lesa alifililwe?





Iyo! Lesa tafililwe.  
Yesu talufyenye  
iciliconse. Yesu alishibe  
ukutila bakamwipaya ku  
mbifi. Nangu ilyo Yesu  
ali akanya, shikulu  
Simioni alyebele Maliya  
ukuti pali ubulanda  
pantanshi.




Kwashele  
inshiku  
ishacepa ukuti  
Yesu bamwipaye,  
kwalishile namayo  
uwaitile amafuta  
yanunkila ku makasa  
yakwa Yesu. "Aleposa  
ulupiya," baliilishanya  
abasambi bakwe.

"Abomba encito nsuma,"  
Yesu alibebele. "Acita ici  
pakupekanya ukushikwa kwandi."  
Amashiwi ayakosa nganshi!



Panuma ya ifi, Yudas umo  
pa basambi ikumi na babili  
alisuminina ukushitisha  
Yesu ku bapatili pa makumi  
yatatu aya siliva.






Pali cuti wa paska wa ba Yuda,  
Yesu alile icakulya cakupelesha  
na basambi bakwe. Alibebele  
ifintu ifisuma ifikuma Lesa ne  
filaya fyakwe ku ba mutemwa.  
Yesu alibebele ulukombo no  
mukate banwemo bonse. Ifi  
fyali fyakubebukisha ukuti  
umubili no mulopa  
wakwa Yesu  
fyalipelwa  
filete ubwelelo  
pa membu shesu.



Yesu alibebele ba cibusa bakwe ukutila pali uwala mushitisha, kibili bena balabutuka. "Nshabutuke" Petro akinene. Yesu atile, "Ilyo mukolwe talalila walankana imiku shitatu."





Mukati kabushiku,  
Yesu aile mukupepa  
mwibala lya Gesemani.  
Aba abasambi abali  
nankwe bali pona  
mutulo. "Oo mwe  
Tata" Yesu apepele,  
"... lekeni ulu lukombe  
lumpitilile.  
Tebufwayo bwandi,  
lelo ubufwayo bwenu  
bucitwe."



Mukashita akacepa mwaliishile abantu  
mwibala abaletungululwa na Judas.

Yesu takene, lelo Petro aliputwile  
ukutwi kwa muntu umo. Ukwabula  
ukulanda nelyo kamo, Yesu  
alibula ukutwi nokumuposha.

Yesu aliishibe ukutila uku  
kumwikata kwali bufwayo  
bwakwa Lesa.



Balimusenda Yesu nokumutwala ku ng'anda ya  
mupatili mukalamba. Bapatili aba kulya kwine batile  
Yesu afwile ukufwa.


Mupepi, Petro  
aliminine pambali  
ya mulilo wa ba  
bomfi.



Imiku itatu balimulolekesha Petro nokutila "Wali na Yesu!" Imiku itatu Petro alikene, ukulinganafye nefyo Yesu asosele.  
Petro alilapisha noku lapila.



# KOKO-LI-KOO



Apopene na mukolwe  
alilila. Cali kwati lishiwi  
lya kwa Lesa kuli Petro.  
Pakwibukisha amashiwi  
yakwa Yesu, Petro  
alililile.





Yudas nao alyumfwile  
ubulanda alishibe ukuti Yesu  
takwete umulandu nangula  
ulubembu. Yudas aliya  
bwekesha ama siliva makumi  
yatatu yalya, Lelo abapatili  
tabapokelele.





Yudas aliposele  
ulupiya panshi.  
Efyo afumine  
nokuya ikulika.






Aba patili baletele Yesu kuli  
Pilato, cilolo wa ba Roma.  
Pilato atile, "Nshisangilemo  
umulandu muli uyu muntu."

Lelo abantu bali  
konkanyapo  
ukupunda,  
"Mutanikeni!  
Mutanikeni!"




Pampela Pilato alisumina  
nokupingula ukuti Yesu afwe pa  
musalaba. Abashilika balimupanike  
Yesu, ukumufwishila amate  
kumenso, nokumulopola ifikoti.  
Balipangile icisote ca myunga  
nokumu fwalika kumutwe. Elyo  
bamu popele pa lupanda ukutila  
afwe.



Yesu alifye uwaishibaukutila enhila akafwilamo iyiyine kabili alishibe ukuti imfwa yakwe ikaleta ubwelelo ku babembu ababika icicetekelo muli ena.

Bapompwe bibili balitanikwe pamo na Yesu. Umo alisubila muli Yesu nokuya ku paladaizi elyo uyu umbi ta subile.



Panuma yashakucucutika,  
Yesu atile, "capwa," nokufwa  
afwa. Incito yakwe  
yalipwililika. Ifibusu  
fyali mushikile  
mumanda.



Abashilika ba ku Roma  
baliisalapo pa manda  
nokulonda. Eico  
takwali uwakwingila  
nangula ukufuma.



Uku nga ekwali ukupwa kwe  
lyashi, nga cali ca bulanda.  
Lelo Lesa acitile icintu  
icawama nganshi. Yesu  
taikalilile uwafwa!




Lucelo-celo ubushiku bwa  
kutendeka kwa mulungu,  
abasambi ba kwa Yesu  
bamo basangile icilibwe  
nacisela ukufuma  
pa luputa. Elyo  
baloleshe mukati,  
Yesu talimo.



Namayo umo Ashele alelila kumanda.  
Yesu alimumonekela! Alibwelele  
mukwangufyanya ukuya eba  
aba sambi banankwe.

"YESU ALIMUMI!  
YESU NA BUKA  
KUBAFWA!"





Nomba Yesu alishile ku ba sambi, nokuilanga  
iminwe sha filonda. Cali cishinka. YESU  
**ALI UMUMI NAKABILI!** Alimwelela Petro  
pamulandu wakumukana nokweba abasambi  
bakwe ukwebaabantu bonse pali ena. Elyo  
abwelelemo Kumulu uko afumile pa krismasi  
yakutendeka.



Paska yakutendeka

Ilyashi ukufumina mu cebo cakwa Lesa,  
Icipingo,

isangwa mu

Mateyo 26-28, Luka 22-24, Yohane 13-21

“Pakwingila pa cebo cenu cipela ulubuto.”  
Amalumbo 119:130





Impela



Ili iyashi lya mucipingo litweba pali Lesa wesu uwatubumbile kabili afwaya ukutilati mumwishibe.

Lesa alishiba twalicia ifintu ifibi, efyo eta ulubembu. Ukupanikwa kwa lubembu ni mfwा, lelo Lesa alimitemwa sana alitumine umwana wakwe eka, Yesu, ukufwa palupanda no kupanikwa pa lubembu lwenu. Yesu alibuka nokuya kumwabo Kumulu. Nga mwasubila muli Yesu nokumulomba ukuti amyelele imembu shenu, alamelela! Kabili alaisaikala muli imwe ililine, kabili mukekala nankwe umuyayaya.

Nga mwasubila ukutila ici  
ecishinka, soseni amashiwi aya kuli Lesa:  
Mwemutemwikwa Yesu, nasubila ukutila nimwe Lesa, lelo  
mwasangwike umuntu ukutila mumfwile imembu shandi, pali lelo  
muli abami. Ingileni mumweo wandi nokwelela imembu shandi  
ukutila mbe no bumi bupya, kabili bushiku bumo nkabe nenu  
umuyayaya. Ngafweni ukumyumfwila nokwikalila imwe  
nga mwana wenu. Ameni.

Belengeni Icipingo no kulanda na Lesa cila bushiku! Yohane 3:16

